

## **Канон святителя Василия Великаго. Творение Иоанна Дамаскина, глас 2.**

### **Тропарь, глас 1:**

Во всю землю изыде вещание твое, яко приемшую слово твое, имже боголепно научил еси, естество сущих уяснил еси, человеческия обычаи украсил еси, царское священство отче преподобне, моли Христа Бога спастися душам нашим

### **Песнь 1**

*Ирмос: Грядите, людие, / поим песнь Христу́ Бо́гу, / раздѣльшему море и настáвльшему лю́ди, / яже изведе́ из рабо́ты египетския, / яко просла́вися.*

### **Припев: Святителю Отче Василие, моли Бога о нас.**

Твоему́ гла́су подобáше приити́ , Васи́лие, нача́ти хотя́щим хвалы́ тво́я, / но, о́тче, мо́льбу прие́м, благода́ть подава́й незави́стно нам.

Добродѣтелей ты жесто́кий шѣствовал еси́ путь , / в гла́дкий достíгл еси́ и несопротíвный Небѣсный восхо́д / и всем яви́лся еси́ о́браз, Васи́лие.

Страстнóе възгра́ние, томя́щее плоть , любомúдриа желáнием наказáл еси́ , / тѣмже в нетлѣнных водворя́ешися Цáрствиих , / о́тче Васи́лие.

Душе́вныя стра́сти благопотре́бно , Васи́лие, / вку́пе же и телѣсныя, духо́вным посе́кл еси́ мечѣм , / себѣ же Влады́це же́ ртву принѣсл еси́.

Ты, быв неизрече́нных тайнник , Васи́лие, / Христо́ву Цáрствию тайнонаучи́л еси́, священне о́тче, / я́ве Тро́йческий свет облистáл еси́ нам.

**Богородичен:** Кто изрещи́ Твоѣ по достóинству возмо́жет , е́же па́че сло́ва зача́тие ? Бо́га бо родила́ еси́ плóтию , Всечы́стая, / нам я́вльшася Спа́са и Го́спода.

### **Песнь 3**

*Ирмос: Утверди́ нас в Тебе́, Го́споди, / Дре́вом умерщвлѣ́й грех, / и страх Тво́й всади́ / в сердца́ нас, пою́щих Тя.*

Стра́хом Господним утвержда́ем , нача́ло бо му́дрости сей есть , /  
любо́вию лу́чшею вперился еси́ премудрости, о Васи́лие.

Наказа́ния быв всякаго испо́лнен , / не то́кмо до́льного и  
попира́емаго, мно́го же па́че лу́чшаго , / показáлся еси́ ми́ру свет ,  
Васи́лие.

Васи́лие премудре , вшел еси́ дея́нием , / и дея́ние вше́ствие  
виде́ния Божественна́го показáл еси́ , / и су́щих ра́зуму научи́лся  
еси́ я́ве.

**Богородичен:** Безсе́менно во чре́ве Бо́га зачала́ еси́ / и ражда́еши  
несказа́нно воплоще́нна , / на Него́же зрети́ не сме́ют , Чистая,  
Небе́сных си́лы, Присноде́во.

Господи помилуй (трижды)

**Таже седален святого, глас 8. Подобен: Премудрости:**

Премудрости сло́ва навѣк и писа́ние зако́на отложи́в , / всем  
пропове́дал еси́ благода́ти сло́во / и душ скрижа́ли углади́л еси́  
словесы́ твои́ми , / в ни́хже начертá л еси́ Божественна́я уче́ния . /  
Те́мже и мрак проше́д о́блаком покрóва телесе́ , / и просия́л еси́ ду́хом,  
святите́лю Васи́лие. / Моли́ Христа́ Бо́га / грехо́в оставле́ние подáти /  
чтущим любо́вию святу́ю па́мь твою́.

**Слава, и ныне, глас 4.**

Подобен: Яви́лся еси́ днесь:

Яко Сый бе́дна человеколю́бия , / оде́ялся еси́ , Влады́ко, в зрак  
ра́бий / и плóтию обре́зался еси́ , / да́руя всем челове́ком вели́кую  
Твою́ ми́лость.

#### **Песнь 4**

*Ирмос: Услы́шах, Го́споди, / слух Твоего́ смотре́ния, / и просла́вих  
Тя, / Еди́не Человеколю́бче.*

Непребори́м яви́лся еси́ , по Бо́зе боря́ , Васи́лие, / во всех Того́  
повеле́нию покаря́ясь.

Церкви подаде́ся от Бо́га огражде́ние и стена́ тверда́ , / Васи́лие  
всеблаже́нне.

Сопротивобожным се́чиво ты сека́тельное / и огонь, поядáй  
пре́лесть, яви́лся еси́, óтче Васи́лие.

**Богородичен:** Мо́лим Тя, Чи́стая, / я́же Бо́га безсе́менно заче́нши,  
/ при́сно моли́ти за рабы́ Твоя́.

### Песнь 5

Ирмос: *Свѣта Подателю / и веко́в Творче , Го́споди, / во свѣте  
Твои́х повелѣний наста́ви нас, / разве́ бо Тебе́, ино́го бо́га не зна́ем.*

Непостижи́мый свет почи́в в тебе́, преподо́бне, / пресвѣ́тлу свещу́  
ми́ру ты показá Христос, / те́мже па́мять твою́ поём, Васи́лие.

Всетёмно напи́санное в Сина́и быти́е Моисеем , / ты, сказу́я от  
Божѣственных сокрови́щ, / начертáл еси́ всем, преблаже́нне Васи́лие.

Ни законополо́жник Моисей , ни пер́вее зако́на Ио́сиф бысть , /  
и́же по тебе́ пи́щи пше́нцоме́ритель : / Божѣственны́я бо плóти сам  
раздробите́ль яви́лся еси́, Васи́лие.

**Богородичен:** Тебе́, ро́ждшей Христа́ , всех Содѣ́теля , зове́м: /  
ра́дуйся, Чи́стая, ра́дуйся, Свет возсия́вшая нам , / ра́дуйся,  
вместив́шая Бо́га Невместима́го.

### Песнь 6

Ирмос: *Бѣдна мя мно́га грехо́вная окружа́ет , / и вопи́ю Ти ,  
проро́ка подража́яй: / от тли мя, Го́споди, возведи́.*

Напита́л еси́ ду́ши , та́ющия гла́дом, ни́щих обильно / и а́лчущих  
сердцá всякаго испо́лнил еси́, Васи́лие, Божѣственнаго весе́лия.

Напита́л еси́ богáтно а́лчущия пи́щею Небе́сною : / хлеб бо  
А́нгельский есть сло́во твоѣ, Васи́лие, / и́мже изря́ден пше́нцода́вец  
был еси́.

Собра́л еси́ пчѣ́льный , Васи́лие, люботру́дно добродѣтели вся́кия  
цвет / и, худóг быв, в ни́хже ублажа́ешься.

Потща́лся еси́ ми́ра отлучи́тися и с Бо́гом пожи́ти , / те́мже  
несто́ятельная и тле́нная , всеблаже́нне Васи́лие , оста́вь, /  
пребыва́ющая, я́ко мудр, стяжа́л еси́.

**Богородичен:** Спаси́ от бед рабы́ Твоя́ , Богороди́це, / я́ко вси по  
Бо́зе к Тебе́ прибега́ем, / я́ко к Неруши́мей Стенé и Предста́тельству.

**Кондак, глас 4.** Подобен: Яви́лся еси́ днесь:

Явѣлся еси основаніе непоколебимое Цѣркве , / подаѣ всем  
некрадомое господство челоуѣком , / запечатлѣя твоими велѣньми , /  
небоявленне Васѣлие преподобне.

### **Икос:**

Целомудрия чаша, уста премудрости / и степень учений, Васѣлий  
Великий всем облистает мысленно . / Приидите убо, и станем в дому  
Божии, тепле взирающе , / чудесы сего красящися , якоже лучею ,  
облиставшися жития , / чистым духом прохладшися , / подобящися  
того вере, и теплоте, и смирению, / и миже дом явися естества Божия. /  
К нему же вопиюще, поем: / небоявленне Васѣлие преподобне.

### **Песнь 7**

*Ирмос: Образу златому, на поле Деїре служиму , / триє Твои  
отроцы небрегѣша безбожнаго велѣния, / посредѣ же огня ввержени,  
орошѣми, пояху: / благословѣн еси, Бѣже отец наших.*

Образ Отца Сын , и Сына Дух есть . / Ты же Духа , о Васѣлие ,  
несквернено зеркало, дом же всея Троицы . / Блаженна память твоѣя, и  
славящии ю воспрославляются.

Углубив ум во глубины Божия непостижимыя / и собрав  
многоценный ты бисер разума , / наполнил еси мир премудростию и  
звати научил еси: / благословѣн еси, Бѣже отец наших.

Очистив от всякаго тиннаго сквернения ум , Васѣлие, /  
сразсмотрѣл еси духовная желанным твоим духом . / Темже, воспевая  
Троицу, со дерзновением зывал еси : / благословѣн еси , Бѣже отец  
наших.

**Богородичен:** Тя купину Моисей в горе Синайстей огнепалиму ,  
Чистая, провидяше, / приемшую неопально нестерпимую зарю  
Неизглаголаннаго Существа , / соединившагося дебелству плоти  
единныя в Нем святых Ипостасей.

### **Песнь 8**

*Ирмос: Неизреченною мудростию составльшаго всяческая Бѣга  
Слова / и от не сущих во еже быти приведшаго, / благословите, дела,  
яко Господа, / и превозносите во вся веки.*

Несказанным Промыслом даровавшаго Васѣлия миру , / свет  
благочестия, трубу же Богословия , / благословите, дела Господня ,  
Господа.

Богáтым дéйством всéльшася в мúдраго Васíлия / и тем благочéстно Богослóвившаго, / благословíte, дела́ Госпóдня, Гóспода.

Божéственных тво́их словéс насладívшиися , Васíлие, / непрестáнно в твоéй пáмяти торжествúюще , вопиём: / благословíte, дела́ Госпóдня, Гóспода.

Лучí словéс испустíл есí, Васíлие, мíру, / свéтом наставляющия Едíно чествовáти Трóйческое Естество́ : / благословíte, дела́ Госпóдня, Гóспода.

**Богородичен:** Из Отцá , прошéдшаго прéжде век , и безлётнаго Бóга Слóва / и в послéдняя возсия́вша из Дéвы , / благословíte, дела́ Госпóдня, Гóспода.

## Песнь 9

Ирмос: *Яже прéжде солнца светíльника Бóга возсия́вшато , / плóтски к нам пришéдшаго из боку́ Девíчу , / неизречéнно воплотívшая, Благословéнная, Всечíстая, / Тя, Богорóдице, велича́ем.*

Пérваго пáстыря , я́ко овчá вёрное Христóво , Васíлие, / живонóсным стопáм послéдовал есí, / мучítелю бо твою́ дúшу, óтче, прéдал есí, / дóблественне предбéдствуя о Цérкви, всеблажéнне.

Церкóвное всесвящéнное Христóво вíдев совокуплéние , / тво́им укра́шено святí тельством, мúдре, / всегубítель, я́ко от грóма , тресновén быв , падéся мучítель , / сúщия бо в тебé Дúха зарí не стерпé, Васíлие.

Апóстолов седáлища, лíка же страдáлец Христóвых, / патриáрхов скíнии, и прáведных слáдости, / и рáдости проро́ков сподóбился есí, Васíлие: / Богорóдицы бо служítель и Трóицы тайнник был есí.

Превы́спренняя вода́ми покрывáяй Едíн Госпóдь , / востязúяй мóре, бéздны же изсушáяй , из Тебé , Чíстая, плоть восприéмый, / от Вифлеéма тщíтся ко Иордáну крестítися плóтию.

## Молитва святителю Василию, архиепископу Кесарии Каппадокийския, Великому

О великий во иерарсех, вселенная учителю богомудрый, преблаженне отче Василие! Велия подвиги и труды твоя, яже во славу святых Церкви совершил еси: ты исповедник твердый и светильник веры Христовы на земли был еси, светом Боговедения верных озаряяй, ложная учения пополаяяй, и всему миру слово

спасительныя истины возвещай. Ныне же, велие на небесех имеяй дерзновение ко Святей Троице, помози нам, со смирением к тебе припадающим, твердо и неизменно святую православную веру до конца жития нашего сохранить, от маловерия же, сомнений и колебания в вере соблюди, да не прельщени будем богопротивных и душепагубных учений словесами. Дух ревности святых, еуже ты пламенел еси, о преславный Церкве Христовы пастырю, возгрей предстательством твоим и в нас, ихже Христос постави быти пастырями, да всеусердно просвещаем и утверждаем в правей вере словесное стадо Христово. Испроси, о милосердый святителю, от Отца светов и всем, всякий дар коемуждо благопотребен: младенцем благое в страхе Божиим возрастание, юным целомудрие, старым и немощным укрепление, скорбящим утешение, недугующим исцеление, заблудшим вразумление и исправление, обидимым заступление, сиротам и вдовицам защищение, искушаемым благодатное поможение, отшедшим от сего временнаго жития, отцем и братьям нашим блаженное упокоение. Ей, святче Божий, призри милостиво от обителей горних на нас смиренных, многими соблазнами и напастями обуреваемых, и с земли приверженных возведи к высоте небесней. Преподаждь нам, преблагий отче, твое архипастырское и святое благословение, да оным осеняемии, в сие новое лето и во все прочее время живота нашего в мире, покаянии и послушании Святей Православней Церкви проживем, заповеди Христовы усердно творяще, подвигом добрым веры подвизающесе, и тако Царствия Небеснаго достигнем, идеже с тобою и всеми святыми сподоби Троицу Святую, Единосущную и Нераздельную, пети и славити во веки веков. Аминь.

### **Молитва иная**

О великий и пресвятый святителю отче Василие, преславный вселенския Церкве учителю, славы Пресвятыя Троицы всеусердный поборниче, Матере Божия и Ея пренепорочнаго девства предызбранный исповедниче, пресветлый чистоты, смирения и терпения образе. Се аз многогрешный и недостойный на высоту небесную взирати, смиренно молю тя, о премудрый Церкве Христовы учителю, научи мя тако богобоязненно житие свое проводить, да никогда же на путь, Божиим повелением противен, уклонюся или совращен буду. Соблюди и избави мя твоим многомоощным предстательством от соблазнов мира и козней диавольских, якоже

избавил еси от них юношу, от Сладчайшаго Спасителя нашего отступивша и во власть сатаны впадша. Даруй мне силу душевную усердным быти подражателем добродетелей твоих высоких: содейлай мя в вере правей тверда и непоколебима, укрепи мя малодушнаго в терпении и уповании на Господа, возгрей в сердце моем истинную Христову любовь, да небесных благ паче всех желаю и ими услаждаюся. Испроси мне у Господа искреннее о гресех сокрушение, да прочее время живота моего в мире, покаянии и исполнении заповедей Христовых провождати буду. Егда же час моего скончания приблизится, ты, о преблагий отче, с Преблагословенною Девею Мариєю, тогда ускори на помощь, защити мя от злобных наветов вражиих, и сподоби мя наследника быти райских селений, да купно с тобою и со всеми святыми неприступнаго Божия величества Престолу предстану и Живоначальную, Единосущную же и Нераздельную Троицу прославляю и воспеваю, присно и в безконечныя веки. Аминь.